

կան հրամանը. երբեք տեսնուած չէր որ վանքերու նորոգութեան ծախքը հոգացուէր արքունիքէն, որուն համար ան կը պարծենար. և այս կերպով բոլոր Հայոց աղաչանքները չլսելով՝ մեծ փնասներու ենթարկած է գանոնք. թէ նոյն եկեղեցին Հայոց սեպհական է և այլն: Քննիչներու գիրերը Բ. Դրան մատուցուեցան. Զաքարիա պատրիարքն ալ հին վաւերական գիրերու պատճենները գատուորին իւրաքանչեւ զրկեց Կ. Պոլիս. Մատթէոս պատրիարքն ալ իր գրովը զրկեց Մեծ Եպարքոսին: Նոյն ատենները պաշտօնանկ եղան բոլորը և Սիւրբոյ կուսակալը: Եպարքոսը զրկուած գիրերը յղեց Մուղթազային՝ արձանագրութիւնները վերստին հետազօտելու համար. գտնուեցան երկու հրովարտակներ՝ արուած Հայոց և Յունաց հիմարէթի 1228ին, որոնց մէջ յիշատակուած էր Ս. Յովհաննէս եկեղեցին. իսկ հիմարէթի 1257ին Ս. Յարութեան և Բեթղեհէմի եկեղեցիին նորոգութեան համար տրուած հրովարտակին մէջ Ս. Յովհաննէս եկեղեցւոյ մասին բառ մը անգամ չգտնուեցաւ. բայց Յոյները անգողար կը յուզէին այս խնդիրը Կ. Պոլսի մէջ, ուստի հարկ եղաւ վերստին հարցում ուղղել Երուսաղէմի նոր բոլորիին՝ լաւ կերպով քննել նոյն եկեղեցին այլազգիներուն, հայ և յոյն միաբաններուն ներկայութեան, և ստուգել թէ արդարեւ Հայերը իրենք կը նորոգեն իրենց սեպհական տեղերը և իրենց վանքերը, և թէ Յոյները ինչպէս ձեռնամուխ եղան վանօրէից շինութեան և նորոգութեան, առանց բարձրագոյն հրամանի. այդ պատճառաւ վէճը երկարեցաւ եւ խնդիրը առկախ մնաց. և վերջապէս Յոյները թոյլ չտուին Հայոց վերաշինելու իրենց եկեղեցիին տանիքը, և մնաց այնպէս, ինչպէս որ էր (Տե՛ս Ա. եպս. Տ. Յովհաննէսեան, Պատմ. Երուսաղէմի, Բ. Հոր. էջ 528-530):

Հոս կը զննէք Ս. Յովհաննու Աւետարանչի եկեղեցիին մէջ այլ և այլ թուականներուն գետեղուած յիշատակարանները.

Դրան հակասք.

«Յիշեցէք եւ Աստուած ողորմի ասացէք Զուղայեցի Սառնոց մհի. Մարգարին եւ իւր ծնողացն եւ կողակցին եւ որդւոցն եւ ամենայն արեան մերձաւորացն որ օգնութիւն արար տրաւք ողորմութեամբ վասն նորոգութեան Ս. Յովհաննէս Առաքելոյն աւետարանչին Յիսուսի Քրիստոսի. Տէր Աստուած իւրն վարձա-